

KƆRINTIDEENƆ TAKADA KAAKU

KƆrinti sƆsi gbẽno kƆkẽkẽkƆana 1:1-4:21

KƆrinti sƆsi gbẽno durunkena 5:1-7:40

WàgƆ kú kƆn làakario gƆna n̄ zĩndane yã musu 8:1-11:1

DƆnzikena 11:2-14:40

Gẽno fena 15:1-15:58

PƆlu ikpammana 16:1-16:24

PƆlu ikpana KƆrintideenƆa

¹ Mamoma PƆlu kè Luda ma sisi à ma se lán à yezi nà, ma gƆ Kirisi Yesu zĩri ũ. Mapi kƆn wa gbẽndo SƆsƆteneo,

² wámbe wa takada kè kè sƆsi kè kú KƆrintine. Luda a sisi a gbẽno ũ, a kuuna adona Kirisi Yesu guu lèdo kƆn gbẽ kè aƆgƆ wa Dii Yesu Kirisi pì sisii gu pĩngianƆo, mowa kè wa Dii dƆnkƆno.

³ Luda wa De kƆn Dii Yesu Kirisio gbẽke keare, à a gba aafia.

⁴ MègƆ Luda sáabu kee guro sãnda pĩngi a yã musu gbẽke kè à kèare a kuuna Kirisi Yesu guu yãnzì.

⁵ Kuuna à guu pó pĩngi kàaraare, yã'ona pĩngi kƆn dƆna pĩngio,

⁶ zaake wa Kirisi yã'onaaree kãsãa pèe a guu,

⁷ ben Luda Nini gba kee e kēsãawaro, guro kè a wéé do wa Dii Yesu Kirisi a zĩnda ƆƆbanazì.

⁸ Wa Dii Yesu Kirisi é tó à ze gbãa ai guro lé ká, lè àgƆ kuu taari sai à móguro.

⁹ Luda náane vī. Àmbe à a sisi, a gō kō gbē ũ kōn à Né Yesu Kirisi wa Diio.

Korinti sɔsi gbēnɔ kēkēkɔana

¹⁰ Ma gbēnɔ, ma naare wa Dii Yesu Kirisizi, àgō lédole vī kōo a pīngi, le kēkēkɔana e à yāa a té, à kō kŭ kōn laasuu dōnkōo kōn nòsɛo do.

¹¹ Má mà Koloe bēdeenɔ lézī kè yākete kú a té.

¹² Lán má mà nà n yè: A gbēkenɔ bè, wà zè kōn Pɔluo. Gbēkenɔ bè, wà zè kōn Apoloo. Gbēkenɔ bè, wà zè kōn Pitao. Gbēkenɔ bè dɔ, wà zè kōn Kirisio.

¹³ Kirisi kēkēkɔanan yó? Wà Pɔlu pà lía a yānzin yó? A batisi kè kōn Pɔlu tón yó?

¹⁴ Ma Luda sáabu kè, kè mée a gbēke batisi kero, séde Kirisipu kōn Gayusio baasiro.

¹⁵ Lán à de nà le gbēke é e à be a batisi kè, a gō ma ìba ũro.

¹⁶ Èè, ma Setefana bēdeenɔ batisi kè dɔ. Beee baasiro, tó ma gbē pānde batisi kè, mée dɔn dɔro.

¹⁷ Kirisi e ma zī gbē batisikena yānziro, séde à baaru nna kpāna. Èe ke kōn yādōonlo, le à gana lía tón ke pāro yānzime.

Kirisi né Luda òndɔ kōn à gbāaaome

¹⁸ Kirisi gana lía né m̀saiyāme gbē kè aōe sāsāanɔne. Wamɔwa kè Ludaa e wa mì sínɔ sō, à dewe à gbāaa ũ.

¹⁹ À kēna Luda yān wà bè:

Mé òndɔrinɔ òndɔò mì de,
mé wéezērínɔ wéezēe ke pā.

²⁰ Òndɔri kú máme? Takadadɔri kú máme? Anduna tiaa kèki yāpingidɔri kú máme? Ludaa e anduna òndɔò diē m̀saiyā ũroo?

21 Luda ɔ̄ndɔ̄o guu, è tó anduna gbɛ̄nɔ̄ a dɔ̄ kɔ̄n n̄ zĩnda ɔ̄ndɔ̄oro. À kɛ̄nɛ̄ à gbɛ̄ kè aɔ̄e a náane kɛ̄enɔ̄ mì sí waazi kè wà d̄iɛ̄ mìsaiyã ũu p̄i gãzĩ.

22 Yudanɔ̄ ye dabudabuzi, Girikinɔ̄ è ɔ̄ndɔ̄o wɛ̄tɛ̄.

23 Wamɔ̄wa sɔ̄, Kirisi gana lía kpàakpaan wée kɛ̄ɛ̄, ben è tó Yudanɔ̄ kpagula, bori pãndenɔ̄ è be mìsaiyãmɛ̄,

24 mɔ̄de gbɛ̄ kè Luda n̄ sisi à n̄ sɛ̄nɔ̄, Yudanɔ̄ kɔ̄n Girikinɔ̄ n̄ píngi, Kirisi dɛ̄n̄nɛ̄ Luda gbãaa kɔ̄n à ɔ̄ndɔ̄o ũ.

25 Luda mìsaiyã p̄i dɛ̄ gbɛ̄ntee ɔ̄ndɔ̄la. Luda gbãasaikɛ̄ɛ̄ p̄i dɛ̄ gbɛ̄ntee gbãaala.

26 Ma gbɛ̄nɔ̄, à gwa dian á dɛ̄ nà gurɔ̄o kè Luda a sisi. Danɔ̄ kiia a paridee ɔ̄ndɔ̄ro, a paridee gbãadee ũro, a paridee k̄inɛ̄ ũro.

27 Luda gbɛ̄ kè aɔ̄ dɛ̄ anduna mìsaidee ũunɔ̄ sè, lɛ̄ à wí dao ɔ̄ndɔ̄rinɔ̄. À gbɛ̄ kè aɔ̄ dɛ̄ anduna gbãasaidee ũunɔ̄ sè, lɛ̄ à wí da gbãadeenɔ̄.

28 À gbɛ̄ kè anduna n̄ díɛ̄ kpɛ̄ɛ̄deenɔ̄ ũ, kè wè kyakaŋgu bensɔ̄ aɔ̄ yã ègɔ̄ kuuroonɔ̄ sè, lɛ̄ à gbɛ̄ kè aɔ̄ yã ègɔ̄ kuunɔ̄ kɛ̄ kpɛ̄ɛ̄deenɔ̄ ũ,

29 lɛ̄ gbɛ̄ke tón e à ãa dã Luda aɛro.

30 Apinɔ̄ sɔ̄, Ludaa tò á kú Kirisi Yesu guu, ben à gɔ̄ wa ɔ̄ndɔ̄o ũ. Kuuna Kirisi p̄i guu Ludaa tò yã bɔ̄wao nna, wa kuuna adona, bensɔ̄ à wa mì s̄i.

31 Bee yãnz̄i lán à k̄ɛ̄na Luda yãn nà, tó gbɛ̄ yezi à ãa dã, à dã Dii yã musu.

2

Kirisi kɔ̄n a gana lía yão

¹ Ma gbēnɔ, kè ma mɔ a kiia, ma mɔ Luda yā kpàakpaa keareme, èe ke ma mɔ òndɔ gbāaa ke lénnaa kearenlo.

² Ma zεo kè mé yāke oarero, séde Yesu Kirisi yā baasiro, atēnsa à gana lía yā.

³ Ma mɔna a kiia guu ma mɔ kɔn kùvĩio kɔn vĩao kɔn lugaluganao.

⁴ Ma waazikεna guu mée yā o kɔn lénnaao ke òndɔɔoro. Má ò kɔn Luda Nini gbāaa ɔɔɔanaome,

⁵ Ɣe a ludanaanekεna tón bɔ gbēntee òndɔ guuro, sé Luda gbāaa guu.

Ɔndɔ kè Luda Nini è dańne

⁶ Baa kɔn beeeo weè òndɔyā o gbē kàsaanɔne. Èe ke anduna tiaa kèki òndɔ ke à gbāadee kè aɔ gbāaa e yāaano pónlo.

⁷ Luda òndɔon wée oo, à pɔyezi kè utena yāa pì. À Ɣiake à diε wa gakui ena yānzi zaale èe anduna káero.

⁸ Anduna tiaa kèki gbāadee ke òndɔ pì dɔro. Tó aɔ dɔme yā, Ɣe aɔe Diĩ gakuide pá líaro.

⁹ Lán à kēna Luda yān nà wà bè:
Pó kè wée e ero bensɔ swā e maro,

à laasuu e Ɣē gbēke swè guuro,
àmbe Luda à soru kè gbē kè aɔ yezinɔne.

¹⁰ Ludaa ɔɔɔawe kɔn a Nini gbāaao, zaake à Ninii pì yā píngi tāsikεna, baa kɔn Luda asii bítanɔ.

¹¹ Gbēkee a daa nòse guu yā dɔro, tó èe ke à ninii kè kú à guu baasiro. Ɣeme dɔ gbēkee Luda nòse guu yā dɔro, tó èe ke Luda pì Ninii baasiro.

¹² Anduna kè niniiin wá èro, Ninii kè bò Luda kiian wá è, Ɣe wà gbaa kè Ludaa dàwee dɔ.

13 Yā kè wée oon gwe, èe ke yā kè gbēntee òndō è dańnenlo, yā kè Luda Nini è dańnemε. Len weè Luda Nini yā bókōte gbē kè aō Luda Nini vīinone le.

14 Anduna gbē è Luda Nini yāno síro, zaake à dene misaiyā ūme. Eé fō à à mì dō sero, zaake Luda Nini pì gbāaan wè à yā zé dō.

15 Gbē kè Luda Nini è done aezī è yā píngi zé dō, gbēke sō zé vī à à zaa boro.

16 À kēna Luda yān wà bè: Dé bé à Dii nòse dō gbasa à lé daa? Mòde wapino wá Kirisi nòse vī.

3

Zīkena Ludane

1 Ma gbēno, mée fō mà yā òare lán mēè o gbē kè Luda Nini dōne aenone bàro, ben má òare lán anduna gbēno bà, zaake nékpāntēnon a ū Kirisi guu.

2 Zwiin má kpàawa, èe ke pólomadeenlo, zaake ée ká kòro. Baa ai tia ée káro,

3 zaake dàdeenon a ū ai tia. Lán á zakōn nà, bensō á yākete vī, dàdeenon a ūroo? A dà bé à òare aε.

4 Kè a gbēke bè a ze kōn Pòluo, ben gbē pānde bè a ze kōn Apoloo, á kú kōn a dàon gweroo?

5 Dén Apoloo ūu? Dén Pòlu ūu? Zīkerinon wa ū, ben a Kirisi náane kè wa gāzī. Wa baade e zī kè Dii dāne keemε.

6 Ma pótō, Apolo í kàne, ben Ludaa tò à gbā.

7 Lemε pótōri kōn íkario de póke ūro, sé Luda kè è tó à gbā.

8 Pótōri kōn íkario sáame. Aō baade é a àre e a zī lémmε.

9 Luda zīkeri daanon wa ū. Luda búgben a ū, Luda kpén a ū.

¹⁰ Gbaa kè Ludaa dàme bé à tò ma ɛɛ kpàe lán ɛbori gonidee bà, ben gbɛ pãnde mò èe kpé pì boo. Baade làakari ke a kpébonaa,

¹¹ zaake gbɛke é fɔ à ɛɛ ke kpàe dɔro, sé ɛɛ kè kraena Yesu Kirisi ũu baasiro.

¹² Tó gbɛ kpé pì dò kɔn vurao ke kondogi ke gbè bèede ke tó à dò kɔn lío ke lá ke sɛ,

¹³ baade zĩ yápura é bɔ gupuraa. Weé e yákpakegurɔ zĩ, zaake gu é dɔ kɔn téome, weé baade zĩ taka gwa té pì guu.

¹⁴ Tó gbɛ zĩ kè à kè bò tén aafia, adee é àre e.

¹⁵ Tó gbɛ zĩ té kù, eé mɔnzi e, adee é bɔ ɔkori lán wè bɔ tén nà.

¹⁶ Á dɔ kè Luda kpén a ũ, Luda Ninii kú a guuroo?

¹⁷ Tó gbɛ Luda kpé pì yàka, Luda é adee kaate, zaake kpé pì kuuna adoname, bensɔ ámbe kpé pì ũ.

¹⁸ Gbɛke tón a zĩnda sàsáro. Tó a gbɛkee e a zĩnda diɛ anduna kèki ɔndɔri ũ, à gɔ́nne misaidee ũ le à e à ɔndɔ kù.

¹⁹ Zaake anduna kèki ɔndɔ de Ludane misaiyã ũme. À kèna Luda yán wà bè: È ɔndɔrinɔ kù ní wéezɛ guu.

²⁰ À kèna dɔ: Dii dɔ kè ɔndɔrinɔ laasuu pã.

²¹ Bee yãnzi gbɛke tón ãa dá gbɛntee yã musuro. Pó píngi né a pómɛ:

²² Pɔlu, Apolo, Pita, anduna, wèndi, gaa, tia pónɔ, zia pónɔn yoo, à píngi né a pómɛ.

²³ Apinɔ sɔ, Kirisi pón a ũ, Kirisi sɔ né Luda pómɛ.

4

Kirisi zիրino

¹ Bee yānzi à wa gwa Kirisi zīkerino ũ, Luda asiiyā gwàrino ũ.

² À kōsio gwàrino gō náane vī.

³ Tó apino ke gbēntee yākpækkerino ma taari è, yā pāame ma kiia. Mèè ma zīnda maakεε ke zaakεε ero.

⁴ Yākee e ma kù vīro, mode bee é ma boro, Diin ma yākpækkeri ũ.

⁵ Bee yānzi àton gīake à gbēke taari e Dii mógurōo āro. Àmbe eé guu pu pó kè utena gusiaan-a à nòse yā bō gupuraa. Zī beean baade é ma, dian Luda é a sáabu kpá nà.

⁶ Yá kè má òaree kèno, má ò mapi kōn Apoloo yā musume, le àgō yā kèkii dō: Wàton vī Luda yālaro. A gbēke tón ãa dā, à ze kōn gbē dooo, à bō gbē doo kpεero.

⁷ Bó n deonlaa? Ní póke vī n zīndane, kè wèe n gbaró? Wà n gba, ben néε ãa dāa lán wèe n gbaroo bàs?

⁸ A kán gwe kòs? A ke òdeeno ũn gwe kòs? Ée kí blee wa sain gweó? Má yezi àgō kí blee, wàgō ledo.

⁹ Zaake má è wamowa Luda zīrinō, Luda wa die zāa lán gbē kè wèe n de pari wáano bàme. Gu sānda píngi gbēno wée fiwa, malaikano kōn gbēnteenō n píngi.

¹⁰ Wa gō mīsaideeno ũ Kirisi yānzi, ben kuuna Kirisi pì guu á de òndōrinō ũroo? Wá busana ben á gbāa vīroo? Wá kpεbōna ben á kpedanaroo?

¹¹ Ai tia noaa kōn ímīo e wa dεε, wá té būu, wa gō pōgbēnanō ũ, besaideeno ũ.

¹² Weè zī gbāaa ke ai wà kpsa. Tó wà wa ka, weè sa maaa ónεme. Tó wà ãa dāwa, weè mēna fō.

13 Tó wà wa s̄s̄s̄, weè agbaa kpáánneme. Ai tia wèè wa diē anduna b̄ōo p̄ōn̄ ū, baade píngi b̄usa ū.

14 Mée yā kèkii oare wídanaawaa yānzinlo. Mée a gbaa làakari ma né yenzideen̄ ūme.

15 Baa tó Kirisi guu a gwàrin̄o kà ḡōn ūgbangba, a de'ina parirop. Mámbe ma a i k̄ōn Kirisi Yesu baarunnakpanaareeo, ben á kú à guu.

16 Bee yānzi méē agbaa kpaaare, àḡō té ma zékpaēzi.

17 Bee yānzin ma a né yenzide Timoti z̄lawazi. Àpi né náanedeeme Dii guu, àmbe eé ma kuuna Kirisi guu yākena d̄oagu. Yā kè meè dañne s̄osin̄o guun gwe.

18 A gbēkeno e ã d̄āa, lán mé mó a gwaroo bà.

19 Tó Dii wè, mé mó a gwa tia, mé ãdāri p̄in̄o gbāa lé e, èe ke āo yā'ona adonlo.

20 Zaake kpata kè b̄ò Luda kiia né yā'ona yānlo, gbāaame.

21 Á yezi diamē? Mà móazi k̄ōn ḡōon ȳó, ke mà mó k̄ōn yenzio k̄ōn n̄òseyiome?

5

Pāpākēna s̄osi gbēn̄o té

1 Má mà pāpākēna ḡè a té, yā kè à taka kú baa kifin̄o té sero. Wà bè, a gbēn̄o doke a de n̄ōo s̄i.

2 Ben ée ã d̄āa? À k̄ōs̄io a n̄òse yakame, à gbē kè yā p̄i kè b̄o a té.

3 Baa tó má kúao, ma ninii kúao, ben ma yākpae kè k̄ōn gbē kè yā p̄i kèo ḡōo lán wà be má kú gwee bà.

4-5 Tó a k̄ō kākōa, tó wa Dii Yesu gbāa kúao, tó ma ninii kúao, à gbē p̄i kpá Setān-a k̄ōn wa Dii Yesu t̄o, le à dà kaate, à ninii e à b̄o aafia Dii mógur̄o z̄i.

⁶ A ãadãna maaro. Á dŏ kè buredi êzê fête è flawadena bíta séseroo?

⁷ Á buredi êzê zi kwéé, é gŏ flawa dufu ũ a sésé'êzê sai, lán à kŏsìo àgŏ de nà, zaake Kirisi gà wa Banla sãne bŏro ũme.

⁸ Bee yãnze wàgŏ kuu buredi sésé'êzêsai zĩbaakerinŏ ũ yãpuraa guu kŏn nòse puraa. Wátongŏ kuu buredi sésé'êzê zi zĩbaakerinŏ ũ mŏnafiki kŏn zaakenao guuro.

⁹ Takada kè má kèare guu ma bè, àton kakŏa kŏn pãpãkerinŏoro.

¹⁰ Èe ke anduna kè pãpãkerinŏ ke wákúdeenŏ kŏn gbẽblerinŏ ke táagbãgbãrinŏnlo, zaake tó gbẽ beenŏme, séde é bŏ anduna guu.

¹¹ Auo, má òare gbẽ kè wà bè wa gbẽme, bensŏ à de pãpãkeri ke wákúdee ke táagbãgbãri ke gbẽyakari ke wèderi ke gbẽbleri ũ, àton kakŏaoro, àton ŏ kakŏao sero.

¹² Ma bà ũgba kŏn yãgŏgŏna kŏn Yesusaideenŏ? A zĩnda gbẽnŏ bé à kŏsìo à yã gŏgŏnyoroo?

¹³ Luda bé eé yãkpae ke kŏn Yesusaideenŏ. À gbẽ zaaa pì bŏ a té.

6

Yãkpækena kŏo

¹ Tó a gbẽke yã vĩ kŏn a Yesude daaao, bŏyãnze è gá yãkpae ke kŏn adeeo Luda gbẽnŏ kiiaziroo, sé ludadŏrisainŏ kiia?

² Á dŏ kè Luda gbẽnŏ bé weé yãkpae ke kŏn andunaoroo? Lán áambe é yãkpae ke kŏn andunao nà, ée ká à yãketenŏ gŏgŏroo?

3 Á d̄s k̄è wámbe wé yákpae ke k̄on malaikan̄oroo? Weé anduna k̄èki p̄ó o d̄ó?

4 Tó á yā beee taka ḡōḡōna vī, é gb̄ē k̄è āō de s̄osi gb̄ēn̄one p̄oke ūroon̄o sé yāḡōḡōrin̄o ūó?

5 Ma beee ò le mà wí daawa yānzime. Á gb̄ēke vī a té k̄è à ònd̄ō k̄à à a gb̄ēn̄o yā ḡōḡōn̄eroo?

6 Séto a gb̄ē doo a gb̄ēdaaa sísi yákpaea Yesu-saideen̄o kiiaó?

7 Lán á yā vī k̄on k̄ōo nà, a sāsā yāa k̄ò mámmam. B̄óyānzin é we wà a takii keeroo? B̄óyānzin é tó wà a b̄leroo?

8 Apin̄o eè gb̄ē takii ke, eè gb̄ē ble, baa a k̄ō t̄ēε.

9 Á d̄s k̄è gb̄ē zaaan̄o é ḡē kpata k̄è b̄ò Luda kiia guuroo? Àton a zīnda sāsāro, p̄āp̄akerin̄o ke t̄āgb̄āgb̄ārin̄o ke zinakerin̄o ke ḡōgb̄ē kaaruan̄o ke gb̄ē k̄è āè dae k̄on n̄ ḡōgb̄ē daaaon̄o

10 ke kp̄ain̄o ke wākūdeen̄o ke w̄ēderin̄o ke gb̄ēyakarin̄o ke gb̄ēblerin̄o, ā gb̄ēke é ḡē kpata k̄è b̄ò Luda kiia guuro.

11 A gb̄ēken̄o de leme yā, ben a zú ò, a ḡō Luda p̄ó ū, Luda a tò yā b̄òao nna k̄on Dii Yesu Kirisi t̄ó k̄on wa Luda Nini gb̄āaa.

Wà pap̄ak̄ena tó

12 Eè be, á yā p̄ingi ken̄a zé vīme. M̄ode yāken̄o àre vīro. Eè be, á yā p̄ingi ken̄a zé vīme. M̄ode àton tó yāke bà k̄áare a yīn̄lo.

13 Eè be d̄o, p̄óblee né n̄òse p̄óme, bens̄o n̄òse né p̄óble p̄óme. Baa k̄on beeeo Luda é n̄ p̄ingi kaate. M̄è né p̄āp̄ākeb̄on̄lo, Dii p̄óme, bens̄o Dii bé mè p̄i gw̄ari ū.

14 Luda wa Dii b̄ò gaan, bens̄o eé wa b̄o gaan k̄on a gb̄āaa.

15 Á dŏ kè a mè bé Kirisi mèguunŏ ũroo? Weé Kirisi mègu sé wà ke kaarua mèguu ũn yó? Wàton ero!

16 Á dŏ kè gbē kè kàkōa kōn kaaruao kèo mè dōnkōnloo? À kēna Luda yān wà bè, aŏ gōon plaaa é gō mè doo ũ.

17 Gbē kè kàkōa kōn Diio kèo mèn do Ninii guu.

18 À kē pāpākenaa. Durun pānde kè gbē è ke píngi bà kú à mèoro. Pāpākeri sō è durun ke a mèneme.

19 Á dŏ kè a mè bé Ninii kè Luda a gba, kè kú a guu kpé ũroo? Ámbe á a zīnda vīro,

20 Luda a lu, à fīa bō. Bee yānzi à Luda tó bō kōn a mèo.

7

Nōsena

1 Takada kè á kè yā musu, à maame gōgbē gō kuu nōgbē sai.

2 Mōde kè pāpākena dàgula yānzi, gōgbē píngi gō a zīnda nō vī, nōgbē píngi gō a zīnda gō vī.

3 Gōgbē gae pó kè kōsìo ke a naōne. Nōgbē gae ke a zāne le se do.

4 Nōgbē mè kuu a zīnda pó ũro, sé à zā pó ũ. Leme do gōgbē mè kuu a zīnda pó ũro, sé à naŏ pó ũ.

5 Àton gíkōnero, séde á màkōne, le à làakari do aduakēnaa gīa, gbasā à a kēna ke, le Setān tón ōndōo keare, à fu menaaro yānzi.

6 Lén má dàawa, èe ke tiasinlo.

7 Má yezi baade píngi gō de lán ma bà, mōde baade kōn a gbaa kè Ludaa dàneome, gbē kè kōn a pōo, gbē kèkāa kōn a pōo.

⁸ Mée yā kèkii oo pɔsɛɛnɔnɛ kɔn gyaanɔnɔ. À maa aɔgɔ kuu nido lán ma bà,

⁹ mɔde tó aɔé fɔ wà n zĩnda kũro, aɔ nɔɔ sé, aɔ zā ke, zaake kɔsɛna maa de lugana kɔzila.

¹⁰ Mée yā diɛɛ nɔdeenɔnɛ kɔn gɔdeenɔ, èe ke mapinlo, Diime. Nɔgbɛ tón gí a zāziro,

¹¹ gɔgbɛ tón pé a naɔaro. Tó nɔgbɛ gà à gí a zāzi, à gɔ pɔsɛ kesɔ à ɛara a zāzi.

¹² Mée oo gbɛ kpaaanɔnɛ, èe ke Dii bé à òro. Tó a gbɛkee nɔ Yesusaidee vĩ, ben nɔɔ pì yezi àgɔ kúo lɛdo, àton péaro.

¹³ Lemɛ do tó nɔgbɛ gɔ Yesusaidee vĩ, ben gɔɔ pì yezi àgɔ kúo lɛdo, àton gíziro.

¹⁴ Zaake Luda è gɔ Yesusaidee sí a naɔ yānzi, bensɔ è nɔ Yesusaidee sí a zā yānzi. Tó lenlo, aɔ néno égɔ gbāsĩmɛ. Mɔde tia aɔ kuuna adona.

¹⁵ Tó Yesusaidee pì gízi, à gízi. Yā beee taka guu aɔ kuuna kɔn kɔo né tiasinlo. Luda a sisi, à a se àgɔ kuu aafiamɛ.

¹⁶ Nɔgbɛ, ke né n zā mì sí, n dɔsɔ? Gɔgbɛ, ke né n naɔ mì sí, n dɔsɔ?

À ze kɔn a gwenaɔ

¹⁷ Baade ze kɔn a gwena kè Luda à diɛn-o gurɔɔ kè Dii à sisi. Len mɛè dańne le sɔsinɔ guu píngi.

¹⁸ Luda gbɛ sisi bāngukɛnan yoo, àton wɛtɛ à ke gefɔɔdee ũro. Luda gbɛ sisi gefɔɔdeen yoo, àton bāngu kero.

¹⁹ Bāngukɛna yāke vĩro, bensɔ gefɔɔ yāke vĩro, sé àgɔ yā kè Ludaa diɛnɔ kũna.

²⁰ Lán baade kuu nà gurɔɔ kè Luda à sisi, à zeo le.

²¹ Luda n sisi zò ũun yoo? Nton bídi kero. Mɔde tó n ga n gɔna wɛɛnɛ ũ zé è, n bɔ zòbleen.

22 Zò kè Dii à sìsì gò wēene ũ Dii pì guume. Leme do wēene kè Dii à sìsì gò zò ũ Kirisi guu.

23 Luda a lu, à fīa bò. Àton gō gbēntee zò ũro.

24 Ma gbēno, lán baade kuu nà gurɔ kè Luda à sìsì, à ze kōn Ludao ɛ.

Pɔseenɔ kōn gyaanɔɔ

25 Pɔseenɔ yā musu mée yāke ma Dii kiiaro, mode lán má náane vī Dii sùu guu nà, lán ma laasuu de nà n mé oare.

26 Nawēa kè kuu tia bé à tò, mée daa à maa kè gbē ze kōn a kuunao.

27 Tó n nɔ vī, ñton be né à gbarero. Tó n vī sōro, ñton wete ñ séro.

28 Tó n sè sō, née durun kero. Tó nokpare zā kè sō, èe durun kero. Gbē beenɔ é yā e andunan, ben má yezi beee taka a lero.

29 Ma gbēno, yā kè mée oon yè: Gurɔ e gō zāro. Zaa tia ndeenɔ gō lán gbē kè vīroonɔ bà.

30 Ɔɔɔrinɔ gō lán gbē kè aɔe ó dooɔroonɔ bà. Pɔnnadeenɔ gō lán gbē kè aɔ pɔɔ nnaroonɔ bà. Pólurinɔ gō lán gbē kè aɔ pòke vīroonɔ bà.

31 Andunablerinɔ gō lán gbē kè aɔe bleeroonɔ bà, zaake lán anduna kè kuu nà tiaa e gēteeme.

32 Má yezi àgō kuu kâhân saime. Pɔsee è làakari do Dii yānoa, yā kè kè Diinen è ke.

33 Nɔdee è làakari do anduna yānoa, yā kè kè a naōnen è ke,

34 à laasuu ègō kpàatena. Nɔgbē pɔsee ke nokpare è làakari do Dii yānoa, è a mè kōn a niniio kpáa. Nɔzāree sō è làakari do anduna yānoa, yā kè kè a zānen è ke.

35 Èe ke mée gata kpaarenlo. Ma beee ò a aafia yānzime, le à yā ke a zéa, à a zīnda kpá Diia gu pānde gwana sai.

36 Tó gbē nɔkpamma vī, tó à ségurɔ e gēe, ben à kène wíyā ũ, tó à à kàka lán kè bà, à à sé lán à kène nà, èe ke durun ũro. Aɔ kɔ sé.

37 Mɔde tó à yā pì bò a nòsemme, ben tiasi e à kákaro, ben à a zīnda kūna dɔ, tó à dà a swèn kè é a nɔkpare pì séro, à kè maame.

38 Lemε gbē kè a pó sè kè maa, mɔde gbē kè èe a pó séroo kè maa de beela.

39 Nɔgbē né a zā pómε gurɔ kè à zā kú kɔn wèndio. Tó à zā gà à anduna tò, à zé vī à zā ke kɔn gɔɔ kè à yezio, mɔde gɔɔ pì gɔ kuu Dii pò ũ.

40 Baa kɔn beeeo tó à gò pɔse, mée daa à pɔɔ égɔ nna de tó à zā kèla. Mée daa mapi, má Luda Nini vī se.

8

Sa'opɔblee

1 Sa'opɔblee yā musu, wá dɔ kè wa píngi wa dɔna vī. Dɔna sɔɔ yòkɔ vī, yenzi bé à kaarana vī.

2 Tó gbē e daa á yā dɔ, èe dɔ dian à kɔ sio à dɔ nà gīaro.

3 Tó gbē ye Ludazi, Luda a dɔ.

4 Tò, sa'opɔblena yā musu wá dɔ kè taa né pókemε anduna guuro, zaake Luda mèn do kuunan wá dɔ.

5 Baa tó pò kè wè beñne tãanɔ kú musu kɔn tɔɔteo, ben danɔ kiia tãanɔ dimme, diinɔ dimme,

6 wa kiia Luda mèn dome, àmbe wa De ũ, kè pò píngi bò à kiia bensɔ wá kuu à yānzi. Dii mèn dome

dɔ, àmbe Yesu Kirisi ũ, kè pó píngi kè, bensõ wá kuu à gāzĩ.

⁷ Mɔde baade píngi dõ lero. Gbēkenɔ kō dõ kōn tãa yāo ai tia, ben aõè pó kè wèe blee diε sa'opɔblee ũ, aõ yāke dōkōziro, ben aõ laasuu kú zéa dɔro.

⁸ Póblee bé eé wa na Ludaaro. Tó wée blero, kēsānanlo. Tó wá blè, kaarananlo.

⁹ À làakari ke a kuuna wēenɛnɔ ũuzi, le àton ke gēnsikii ũ gbē kè ludanaanekena kēsāmmanɔnɛro.

¹⁰ Mmɔn kè n dōna vī, tó gbē kè yāke dōkōziroo n e, nées pó blee tãa kuu, eé à gba swè à sa'opɔ ble seroo?

¹¹ Tó n kè le, n dōna n gbēdaaa kè ludanaanekena kēsāna kè Kirisi gà à yānzi kàatɛn gwe.

¹² Tó a durun kè a Yesude daanɔnɛ a gbē kè yāke dōkōziroo kari kèn gwe, bensõ Kirisin a durun kènɛ.

¹³ Beee yānzi tó ma nòbɔsona bé eé tó ma Yesude daa fu, mé só ziki dɔro, le ma Yesude daaa tón furo yānzi.

9

Zìrinɔ n zīnda busana Kirisi baaru nna yānzi

¹ Má a zīnda vīnloo? Zìrin ma ũroo? Mée wée si wa Dii Yesuleroo? Àmbe á de ma zīi gbè ũ Dii guu fá?

² Baa tó má de zìri ũ gbē pāndenɔnɛro, má deare à ũ fá. Kuuna Dii guu ma zìrikεε sèedan a ũ.

³ Yā kè mēè o ma zaaborinɔnɛn yè:

⁴ Má póblena kōn íminao zé vī ma zīi guuroo?

5 Má à zé vī màgõ té kōn nŏ Yesudeeo guu kè mée gaan lán z̄iri kpaaanŏ kōn Dii dāaronŏ kōn Pitao bàroo?

6 Mamŏma kōn Banabao wa gōŏn plaa, wámbe wá zé vī wà wa ɔz̄i tónloo?

7 Dé bé è soza ble a z̄inda b̀̀kŏ ɔɔŏ? Dé bé è lí ba, ben è à bεε bleroo? Dé bé ègõ zù dāa, ben è à zwii miroo?

8 Baa kè gbēntee yākenanŏn má l̀̀kōzioare, à kú Musa doka guu leroo?

9 À kēna Musa doka takadan wà bè, àton lésŏ da zùne gurŏ kè èe pówεε gbēero. Zùn Luda è làakari d̄aás?

10 Wa yānzi à yā pì òziroo? Eè, wa yānzin wà yā pì k̀̀zi, le búbari gae sè wa kōn tāmaao, pówεεgbēri gae pó gbē kōn tāmaao, eé a baka e à guu.

11 Tó wa Luda yā t̄s̄ a té, ben wa wa baka èawa, yāken yó?

12 Tó danŏ zé beee vīawa, wé wa pó o d̄ó? Wée séε zé beee guuro, wa yā píngi f̄̀, le wàton zé z̄s̄ Kirisi baaru nnaanero yānzi.

13 Á d̄s̄ kè Luda ua z̄ikerinŏ è Luda ua pó bleroo? Luda gbāgbākii sa'orinŏ è n̄ baka le gbāgbākii pì guuroo?

14 Len Dii diè a baarunnakparinŏ ḡs̄ pó blee baaru pì kpana yā musu le.

15 Baa kōn beeeo mée zé p̄inŏ ke séro, bens̄o mée beee oo le wà kemε yānzinlo. Gaa maame dε beela. Gbēke é e à kpá ma ïadāna k̀̀nero.

16 Kirisi baarunnakpana demε ïadāna yā ūro, tiasi bé à ɔ t̄s̄ma. Wāiyoo mapi, tó mée baaru nnaa pì kpaaro.

17 Tó mée zīi pì kεε kōn ma zīnda poyeziomε, ma wée dɔ asaiazimε. Lán Luda bé à nàme ma ɔzī nà, à kō sio mà kemε.

18 Bómε ma asaia ũu? Tó ma baaru nnaa pì kpà ɔsāsāna sai, tó mée iko kè má vī baaru nnaa pì kpāna guu kerímaro, ma asaian gwe.

19 Baa kè gbēkee ma vīro, ma a zīnda diε zò ũ gbē píngine, le mà gbēno e pari yānzi.

20 Kè má kú kōn Yudanɔ, ma gō lán n̄ bà, le aō ma yāze e yānzi. Kè má kú kōn Musa dokadarinɔ, ma gō à dāri ũ, baa kè à iko vīmaro, le à dārinɔ ma yāze e yānzimε.

21 Kè má kú kōn doka pì dārisaideeno, ma gō lán n̄ bà, le aō ma yāze e yānzi. Èe ke ma bɔ Luda doka zénnlo, Kirisi bé à iko vīma.

22 Kè má kú kōn gbē busanano, ma busa, le aō ma yāze e yānzi. Mèè gō pó píngi ũ gbē píngine, baa dia, le mà e mà n̄ gbēkeno mì sí.

23 Yā kè mèè ke píngi, mèè ke Kirisi baaru nna yānzimε, le mà a baka e à aubarika guu.

24 Bàkpakōsōna guu, gbē píngi bé è bàa lé, mode á dō kè gbē mèn doo bé è bleroo? À bàa lé le se, à e à ble.

25 Kōkō'ori píngi è a zīnda tòto ke, è a zīnda foru ke yā píngi musu. È ke le fùra kè è yaka ena yānzi. Wamɔwa sō, à kè è yakaro yānzimε.

26 Beee yānzi bà kè mée leε, má dō pó kè mée pεεa, èe ke mée ɔsi kaa gukorianlo.

27 Auo, mèè ãa da ma mēa, mèè ma mē takii ke, le ma waazikena danone gbera, màton bɔ pāro yānzi.

Làakarikenā tāagbāgbānazi

¹ Ma gbēnō, má yezi wa dezinō yā kèkii dōagu. Aō tē téluguuzi ń pínghi, aō táa ò wà b̀̀e Isia Tēaan ń pínghi.

² Luda ń batisi kè téluguu pì guu kōn ísīaa pìo ń pínghi Musa ìbanō ũ.

³ Aō Luda p̀̀ble dōnkō blè ń pínghi,

⁴ aō Luda í dōnkō mì ń pínghi, zaake aō Luda kpīii kè kúnyo í mì. Kpīii pì s̄̀ bé Kirisi ũ.

⁵ Baa kōn beeeo aō parīdee yā e ká Ludanero, ben aō gè g̀̀ kpáe gbáan.

⁶ Yā pì d̄̀ewe sèeda ũ, l̄̀e wàton yā zaaa ni d̄̀e, lán aō à ni dè nàro.

⁷ Àtongō d̄̀e tāagbāgbārinō ũ lán aō gbēkenō bàro. À kēna Luda yān wà b̀̀e: Gbēnō v̀̀e wèe p̀̀o blee, wèe í mii, ben aō f̄̀e wèe pāpāa k̄̀e.

⁸ Wàtongō d̄̀e pāpākerinō ũ lán aō gbēkenō bàro. Aō pāpāa kè, ben aō gāga gurō dōnkō z̄̀í gōn boro baro aw̄̄e'aagō.

⁹ Wàton Dii yō wà gwa lán aō gbēkenō bàro. Aō à yō wà gwà, ben mlènō ń sóso aō gāga.

¹⁰ Àton wisō ká lán aō gbēkenō bàro. Aō wisō kà, ben ga malaika ń d̄̀e.

¹¹ Yā pì ń lé sèeda ũ wamōwa kè wá kú gurō zāannōe, ben wà kè takadan l̄̀e wà wa gbao làakari yānzi.

¹² Gbē kè èe daa á zena gbāa, à làakari k̄̀e l̄̀enazi.

¹³ Yōagwana kee e a lero, séde kè è baade pínghi lee baasiro. Luda náane v̄̀í, eé tó wà a yō wà gwa d̄̀e a gbāa lélaro. Yōagwana guu eé a gba zé à m̄̀ena f̄̀o à b̄̀on.

14 Beee yānzi ma gbē yenzideenŋ, à mì kē tāagbāgbānaa.

15 Μέε yā ooare làakarideenŋ ũ. À yā kè μέε ooaree laasuu lé a zīnda à gwa.

16 Togo aubarikadee kè weè sáabu kpáo, tó wá mì, wa bà kú Kirisi aruoroo? Burēdi kè weè lílikōre, tó wá sò, wa bà kú Kirisi mēoroo?

17 Ζαακε burēdi kōŋ dome, baa kōn wa parikεεο wa mè dōnkōmε, wa baade a baka vī kōŋ dōnkō pì guumε.

18 À gwa Isarailinŋa. Gbē kè sa'opŋ blē bà kú kōn Luda gbāgbākiioroo?

19 Ma bè diamε? Μέε bee tāa sa'opŋblee né pōken yó? Ke aō tāanŋ né pōkemε?

20 Λενλο, ma bè pó kè wà saa òo, wà ò tāaamε, èe κε Ludaanlo. Má yezi a bà gō kú kōn tāaoro.

21 Έ fō à Dii togo í mi kōn tāa pōoro. Έ fō à Dii pō ble kōn tāa pōoro.

22 Ke wá yezi wà Dii nōseḡōaanŋ fεεmε? Wa gbāaa kà à ũn yó?

23 Èè be, yā píngi zé vī. Λεmε, mōde yā píngi àre vīro. Èè be, yā píngi zé vī. Λεmε, mōde yā píngi kaarana vīro.

24 Gbēke zīnda yā tón dōne aεro, sé à gbēdaaa yā.

25 À nòbŋ kè wèe yaa yàran só yāke gbekana sai a laasuu yānzi,

26 zaake tōte kōn pó kè kúnno píngi né Dii pómε.

27 Tó Yesusaidee a sisi pōbleea, tó à kèare, tó a gaa, à pó kè wà kpàawaa ble yāke gbekana sai a laasuu yānzi.

28 Tó wà gà wà bèare sa'opŋbleemε, àton blero laasuu yānzi kōn gbē kè òare yānzio.

29 Mée beee oo adee laasuu yānzime, èe ke a pónlo.

Gbē pānde laasuu yānzin mégō ma zīnda vīziroó?

30 Tó ma pò blè kōn sáabukenao, bóyānzin wè ma zaa bo pò kè ma sáabu kèzi pì yā musuu?

31 Yā kè ée kee píngi, ée pò bleen yoo, ée í miin yoo, àgō à píngi kee Luda tóbōna yānzi.

32 Àton tó Yudanō ke Girikinō ke Luda sōsi gbēnō fu a yākena yānziro.

33 Len mèè ke le. Yā píngi guu mèè aīa ke, le ma yā ká baade píngineme. Mèè ma zīnda pōnnaa wetero, sé parii pò, le aō e wà bō yānzi.

11

1 Àgō ma yākena dadaa, lán mèè Kirisi pò dada nà.

Nōgbēnō pókuna ní mìa yā

2 Ma a sáabu kpà kè ma yā ègō dōagu yā píngi guu, bensō á keatokōnepō kè má dàareno kūna.

3 Má yezi àgō dō kè Kirisi bé gōgbē píngi mī ũ, gōgbē bé nōgbē mī ũ, bensō Luda bé Kirisi mī ũ.

4 Gōgbē kè èe adua kee ke èe annabikēyā oo kōn pòo kuna a mìa e a mī kpe bōome.

5 Nōgbē kè èe adua kee ke èe annabikēyā oo mīgā e a mī kpe bōome, à de lán à mī potoopo bàme.

6 Tó nōgbē e pò kú a mīaro, à a mīkā kēe. Zaake mīkākēena ke mībona de nōgbēne wīyā ũ, à pò kú a mìa.

7 Èe kō sío gōgbē pò kú a mīaro, kè à de Luda taka kōn à gakuio ũ yānzi. Nōgbē sō bé gōgbē gakuì ũ.

8 Zaake Luda e gōgbē bō nōgbē guuro, nōgbēn à bō gōgbē guu.

⁹ Èe gōgbē ke nōgbē yānzīro, nōgbēn à kè gōgbē yānzī.

¹⁰ Beee yānzī kōn malaikanō yāo dō, séde nōgbē gae pō kú a mīa a zā iko sēeda ū.

¹¹ Dii guu nōgbē kuu a zīndane gōgbē sairo, gōgbē sō kuu a zīndane nōgbē sairo.

¹² Zaake lán nōgbē bō gōgbē guu nà, len dō gōgbē è bō nōgbē guu le, bensō pō píngi è bō Luda kiiame.

¹³ Á yā pì laasuu lé à gwa. Nōgbē aduakena mìgbā maaó?

¹⁴ Á dō a zīndane kè mìkā gbàa de gōgbēne wíyā ūroo?

¹⁵ Mōde tó nōgbē vī, à denne gakui ūme, zaake Luda nōgbē gbà mìkà à kúalame.

¹⁶ Tó gbēke yezi à leokpakōa ke, àgō dō kè wapino kōn Luda sōsinō, wá yā pānde kūnaro, sé beee.

Dii pōblee

(Mat 26:26-29, Maa 14:22-25, Luk 22:14-20)

¹⁷ Yā kè má yezi mà daare tiaa guu, mé a sáabu kpáro, zaake a kakōana è zaaa iare de à maaala.

¹⁸ Káaku gīa má mà, tó a kō kākōa, èè bō kō kpee gāli kōn gāliome. Ma yā pì sī kpado.

¹⁹ Séde kēkēkōana gō kú a té, le wà yāpuradeeno dō a té.

²⁰ Tó a kō kākōa, èè ke Dii pōbleen èè blero,

²¹ zaake a baade è wā a pōbleezime. Nōaa è gbēkeno de, wēè è gbēkeno de.

²² Á beè vī à pō ble, à í minloo? Ke èè kya ká Luda sōsin à wí da pōsaideenōame? Mé oare diamé? Mé a sáabu kpán yó? Kài! Mé a sáabu kpá yā beee musuro.

²³ Yā kè má sī Dii kiia, má dàareen yè: Zī kè wà Dii Yesu kpàmma, à gwāavī pìà à buredi sè,

24 ben à aubarika dàn à lilikõre, ben à bè, a mè kè à kpà a yānzin yè, àgaegõ beee kee a yā dɔnaagu yānzi.

25 Lemε dɔ kè aõ pɔ blè wà yāa, à togoo sè à bè, Luda bà kuuna kɔn gbēnɔ dufu a aru gāzīn yè. Tó ée mii, àgaegõ mii à yā dɔnaagu yānzi.

26 Zaaκε tó a buredi pì sò, tó a í pì mì, ée Dii gaa baaru kpaa ai àgõ gá mómε.

27 Beee yānzi tó gbē buredi pì sò, tó à Dii í pì mì, buredi kɔn í pìo yādasai, à taari kè Diine à mè kɔn à aruo yā musumε.

28 Baade a zīnda yā gwa, gbasa à buredi pì só, à í pì mi,

29 zaaκε tó gbē sò, tó à mì Dii mè gbádɔsai, à yā dà a zīndalame.

30 Beee yānzi gyāreenɔ kɔn aafiasaideenɔ pari a tézi, bensõ gbē kè aõ kè sainɔ kēsānaro.

31 Tó wé wa zīnda yā gwa, Dii é wa taari ero.

32 Tó à wa taari è, èe wa totoome, le yā tón vèewa kɔn andunaoro yānzi.

33 Beee yānzi ma gbēnɔ, tó a kɔ kākɔa, ée Dii pɔ blee, àgae kɔ dā.

34 Tó nɔaa e gbē deε, à pɔ ble a be, le a kakɔana tón yā iarero yānzi. Mé yā kè gɔnɔ bɔkɔtare, tó ma mɔ.

12

Luda Nini gbaanɔ

1 Ma gbēnɔ, Luda Nini gbaanɔ yā musu, má yezi àgõ dɔna sairo.

2 Á dɔ kè gurɔ kè á de kifinɔ ũ, tāa kè aṣè yā oroonɔ bé wègõ a gáεε, wàgõ dɔɔare aε.

³ Beee yānzi má yezi àgō dō kè Luda Nini è di gbēa à Yesu láari kero, bensō gbēke é fō à be Yesun Dii ūro, séto Luda Nini dōne aε.

⁴ Gba borii pari, mōde Luda Nini mèn doo pìme.

⁵ Zī borii pari, mōde Dii mèn doo pìme.

⁶ Gbāa sèedanō borii pari, mōde Luda mèn doo pìme, àmbe è à píngi ke baadene.

⁷ Luda Nini è didi baadea gbē píngi kaarana yānzime.

⁸ Luda Nini è gbēke gba zé à ɔndō yā o, ben Nini mèn doo pì è gbē pānde gba zé à dōna yā o.

⁹ Nini mèn doo pì è gbē pānde gba ludanaanekena zé, gbē pānde sō gbēkēkōana zé.

¹⁰ È gbē gba dabuyākena zé, gbē pānde sō annabikeyā'ona zé. È gbē gba zé à niniino dōkōzi. È gbē gba zé à yāke borii o, è gbē gba yāke borii pì bōkōtēna zé.

¹¹ Nini dōnkō mèn doo pì bé è à píngi ke, è gbaa pì da baadene lán à yezi nà.

Mè kōn a guunō

¹² Mè mèn do guunō pari. Baa kōn à parikεεo, mè mèn doome píngi. Len wa kuuna Kirisi guu de le se.

¹³ Wapino píngi, Yudanō ke bori pāndenō, zōnō ke wēenεnō, Luda wa ke mè dōnkō ū kōn a Nini mèn doo pì gbāaaome, à wa gba a Nini mèn doo pì, ben wá mì wa píngi.

¹⁴ Mèguunō pari, èe ke mèn donlo.

¹⁵ Tó gbá bè, lán ɔn a ūro nà, á de mè pó ūro, beee yānzi eégō de mè pó ūrozió?

¹⁶ Tó swā bè, lán wéen a ūro nà, á de mè pó ūro, beee yānzi eégō de mè pó ūrozió?

17 Tó mè bŭnu de wée ũ, bŏn weé yā mao? Tó mè bŭnu de swā ũ, bŏn weé pŏ gŭu mao?

18 Lán à de nà, Luda mèguunŏ pèpekŏre aŏ píngi, lán à yezi nà.

19 Tó aŏ píngi de mègu bori dŏnkŏ ũ, mè égŏ kú máme?

20 Tia la mèguunŏ pari, mè mèn dome.

21 Wée é fŏ à be ɔne a bà kúororo. Leme dŏ mì é fŏ à be gbáne a bà kúororo.

22 Mèguu kè wèe daa à kēsāna, mè é fŏ à ke à sairo.

23 Mèguu kè wèe daa à gakui vīro, wè à kpe da de mègu kpaaanŏla. À guu kè wèe à ena diε wíyā ũ, wè pŏ nazi de mègu kpaaanŏla,

24 mŏde à kè maaa bà kú kŏn beeeoro. Kè Luda mè kākŏa, à gakui kàara pŏ kè gakui e kēsāanmanŏne de mègu kpaaanŏla.

25 Le mè tŏngŏ kpaatetenaro, à guunŏ kŏ yā dŏ.

26 Tó mèguunŏ dokee e nawēa keε, à mègu kpaaanŏ píngi è keome. Tó wà mègunŏ doke kpe dà, à mègu kpaaanŏ píngi è pŏnnaa keome.

27 Ámbe Kirisi mè ũ, bensŏ a baade de mè pì guu ũ.

28 Káaku gīa Luda žirinŏ diε sŏsi guu, à plaadee annabinŏ, à aagŏde yādannerinŏ, beee gbera dabudabukerinŏ, beee gbera gbē kè à n gba gbēkēkŏana zénŏ kŏn dŏnlerinŏ kŏn yāgŏgŏrinŏ kŏn gbē kè ašè yāke borii oonŏ.

29 Žirinŏn n ũ n píngiŏ? Annabinŏn n ũ n píngiŏ? Yādannerinŏn n ũ n píngiŏ? Dabudabukerinŏn n ũ n píngiŏ?

30 Luda gbēkēkŏana gba dànne n píngin yŏ? Ašè yāke borii o n píngin yŏ? Ašè yāke borii bŏkŏte n píngin yŏ?

31 À wée pé gbaa kè deńlaanɔa.
Tia sa mé zé kè maa deńlaa ɔɔbaare.

13

Yenzi

¹ Tó ma yáke borii ò, gbēntee ke malaika pó, tó má yenzi vīro, ma kīi kè lán m̀lɛna ke s̀g̀g̀pana b̀amɛ.

² Tó ma annabikɛyá'ona gbaa è, tó ma yá píngi asii mà, bensõ má d̄na píngi vī, tó ma ludaananɛkɛna kà mà kp̄iii s̄ki kpá, tó má yenzi vīro, p̄ken ma ūro.

³ Tó ma p̄ kè má vīino kpàate takaasideenɔne píngi, tó má tò wà té s̄ma, tó má yenzi vīro, à àre vīmero.

⁴ Yenzi mɛna vī, à gb̄kɛɛ vī. Yenzi è n̄sɛḡɔaano kpányoro, è a zīnda sé lezīro, è ĩa dāro.

⁵ È wí dam̄maro, è a zīnda maaa wɛtɛro, è f̄ńzi kpaaro, è yá da a n̄sɛ guuro.

⁶ È yáa ɔ̀ à zaaaro, è p̄nnaa ke k̄n yápuraaome.

⁷ Yenzi è yá píngi f̄s, è yá píngi náane ke, èḡs yá píngi támaa vī, è mɛna k̄n yá píngio.

⁸ Yenzi yāana vīro. M̄de tó annabikɛyá'oname eé yāa, tó s̄ yákebori'oname à lé é zɛ, tó d̄name, eé ḡ zéla.

⁹ Zaake wa d̄na k̄n wa annabikɛyá'onao e paparo.

¹⁰ Tó yá papana gur̄ m̀, à kè èe paparoo é ḡ zéla.

¹¹ Kè má de né féte ū, mɛè né féte yá o, mɛè né féte laasuu lé, mɛè yá gwa lán né féte bà. Kè ma ke gb̄ ɔ̀nd̄na ū, ma ɔ̀ kpà néfetekeyāzi.

12 Tia la wée guu ee dígi guu dāadāa, zĩ beeea sō wé wée sikōle. Tia la ma dōna e paparo, zĩ beeea sō mé yā dō wāsawasa lán Luda ma dō nà.

13 Tia sa yā mèn aagō kènō bé wà gō: Ludaanaanekena kōn tāmaao kōn yenzio, mōde yenzi bé à deńla.

14

Yakebori'ona kōn annabikēyā'ona

1 À tó yenzi dōare aε, à wée pé Luda Nini gbaanōa, atēnsa annabikēyā'ona.

2 Gbē kè èe yāke borii oo e yā oo gbēnōonlo, sé Luda, zaake gbēkee e maaro, èe asiya oo kōn Luda Nini gbāaaomε.

3 Gbē kè èe annabikēyā oo e yā oo gbēnōomε, èe ní gbaa gbāaa, èe lé daamamε, èe ní làakari kpáεēnεmε.

4 Gbē kè èe yāke borii oo e a zĩnda kaaramε, gbē kè èe annabikēyā oo e sōsi gbēnō kaaramε.

5 Má yezi à yāke borii o a píngi, mōde má yezi à annabikēyā o de beeela. Annabikēyā'ori de yakebori'orila, séto wèe bokōtεε le sōsi gbēnō e wà kaara.

6 Ma gbēnō, tó ma mōazi, ben ma yāke borii òao, bó àren à vīaree? Séde ma yā'ona gō de yāwεεwēna ũ ke dōna ke annabikēyā'ona ke yādannena.

7 Len à de le kōn p'ōbōrinō dō. Kure ke mōrō, tó èe sō sōsúuro, weé fō wà dō dian èe oo nàō?

8 Tó kuu sō e bō sōsúuro, sozano é zĩ soru kero.

9 Lemε apinō se, tó ée yāke borii oo, ben wèe maaro, dian weé yā kè ée oo gbáze dō nà? A yā é gē ãamε.

10 Yānɔ borii pari anduna guu, aɔ kee bokōtenasai sōro.

11 Tó wèe borii kè mèè à yā maroo oo, mégō de à òrine gbē zītɔ ūmε, bensō eégō demε gbē zītɔ ũ se.

12 Lemε apinɔ sō, lán á aĩa vī kōn Luda Nini gbaanɔ nà, à aĩa ke àgō gáo ae le sɔsi gbēnɔ e wà kāsāa péε.

13 Beee yānzi yākebori'ori wée ke, le à e à yā kè èe oo bokōte.

14 Tó ma adua kè kōn yākebori'onao, ma ninii bé à kè, ma laasuu e domε aεro.

15 Tò, yā pì de diamε? Mé adua ke kōn niniiio, mé ke kōn làakario dɔ. Mé lè sí kōn niniiio, mé sí kōn làakario dɔ.

16 Tó n Luda tó nnaa sì kōn niniiio, dian gbē dufu kè kú gwee é be, aami, sáabu kè n kpà yā musuu? Zaake èe yā kè n ò dōrɔ dōro.

17 Baa tó n sáabu kpà a zéa, èe n Yesude daa gbāaa kaararo.

18 Ma Luda sáabu kè, kè mèè yāke borii o deala a píngi,

19 mɔde kakōana guu tó ma yā mèn sɔroo ò kōn làakario, ma yā dàoñne, à maame de mà yā mèn ũgbangba o kōn yākebori'onaola.

20 Ma gbēnɔ, a laasuu tóngō de lán nénɔ pò bàro. Àgō de lán né fétenɔ bà yāzaakena musu, mɔde a laasuu gō de gbē òndōnanɔ pò ũ.

21 À kēna Luda yān wà bè:

Mé boriyā pānde o gbē kēkiinɔne gbē zītɔnɔ lén, baa kōn beeeo ašé swā kpá ma yāziro.

22 Beee yānzi yākebori'ona de sèeda ũ Yesudeenɔero, sé Yesusaideenɔ. Len dɔ

annabikēyā'ona e ke Yesusaideenŏ pŏke ũro, sé Yesudeenŏ.

²³ Tó sŏsi gbēnŏ kŏ kàkŏa nŏ píngi, ben aŏe yāke borii oo nŏ píngi, tó gbē dufunŏ ke Yesusaideenŏ mŏ gwe, aŏé be ĩa kàmmannloo?

²⁴ Tó baade píngi e annabikēyā oo sŏ, ben Yesusaidee ke gbē dufu mŏ gwe, eé nŏ píngi yāze dŏ à a taari e,

²⁵ asiiyā kè kú à nŏsen é bŏ gupuraa, eé dae a puua à mì siē Ludanē, gbasā à be, Ludaā kú a té yāpura.

Dŏnzikēna zékpae

²⁶ Wé be diamē ma gbēnŏ? Tó a kŏ kàkŏa, a baade gaegŏ lè vī ke yādannēna ke yāwēwēna ke yākebori'ona ke yāke borii pì bŏkŏtēna. À à píngi ke, le gbēnŏ e wà kāsāa péē.

²⁷ Tó wèe yāke borii oo, gŏn plaa ke aagŏ, àton de beelaro. Aŏ kŏ gba zé, gbē mèn doo bŏkŏtē.

²⁸ Tó à bŏkŏteri kuuro, à lé nakŏa kakŏana guu, à a pŏ o ado kŏn Ludaŏ.

²⁹ Annabikēyā'orinŏ gŏn plaa ke aagŏnŏ yā o, gbē kpaanŏ laasuu lé aŏ yāa.

³⁰ Tó Luda yā sù gbē kè vēēnaa, gbē kè èe yā oo yīte.

³¹ A píngi é fŏ à annabikēyā o doodo, à yā dadakŏne a píngi, à kŏ sé lezī.

³² Sé annabikēyā'orinŏ gŏ nŏ lé kŏna dŏ,

³³ zaake Ludaā ye yā yāaaziro, sé à zédee.

Lán wè ke sŏsinŏ guu nà píngi,

³⁴ nŏgbēnŏ lé gŏ yītena kakŏana guu, zaake aŏ yā'ona zé vīro. Aŏ mì siē, lán wà ò Musa doka guu nà.

35 Tó aṣṣo yezi wà yāke dṣ, aṣ n̄ zā gbekazi be, zaake nṣgbē yā'ona kakṣana guu né wíyām̄e.

36 A kiian Luda yā bòn yó? Ke a mèn do yānzin à mḡzi?

37 Tó gbē e daa annabikēyā'orin à ũ ke gbē kè Luda Ninii dṣne ae, àgṣ dṣ kè yā kè má kèaree pì né Dii yādiēname.

38 Tó gbē pā kpàzi, weé pā kpázi se.

39 Beee yānzi ma gbēnṣ, à wée pé annabikēyā'onaa, mḡde àton gí yākebori'onaziro.

40 À yā píngi ke a zékpaēa súusu.

15

Kirisi fēna gaan

1 Ma gbēnṣ, baaru nnaa kè má kpàare, kè á s̄i a zēon, má yezi mà εara mà dṣagu.

2 Baaru nnaa pì bé eé a mì sí, tó á waazi kè má kèaree pì kūna. Tó lenlo, a Yesunaanekena kè pām̄e.

3 Yā kè deñlaa kè má s̄i, má dàareen yè: Kirisi gà wa durun yānzi, lán à kēna Luda yān nà.

4 Wà à v̄i, ben à fēe à gurṣ aagṣdee zī, lán à kēna Luda yān nà.

5 À a zīnda òdṣa Pitane, ben à a zīnda òdṣa a ìba gṣṣon kuri awēεplaaanṣne dṣ.

6 Beee gbēra à a zīnda òdṣa wa gbēnṣne kè aṣ kṣ kākṣa gu dṣnkṣn, aṣṣ de gṣṣon wàa plaa kpé basṣroola. Aṣ paridee kuu ai tia, mḡde aṣ gbēkenṣ anduna tò.

7 Beee gbēra à a zīnda òdṣa Yemisine, ben à a zīnda òdṣa z̄irinṣne n̄ píngi.

⁸ Aǎ píngi gbera à b̀̀ à m̀̀mazi, ben ma g̃ lán né kpàalaa'ii bà.

⁹ Zaake Luda žìrino té mámbe kpeε, méε ká wà bemε žìriro, zaake ma ãa dà Luda sosia.

¹⁰ Gbaa kè Ludaa dàme yānzi má de gbē kè má de à ũu ũzi, bensō gbaa kè à dàmeε pì ginaro, zaake ma osi kà deńla ní píngi. Mámbe má k̀̀ero, gbaa kè Ludaa dàmeε bé à tò má k̀̀.

¹¹ T̀̀, à b̀̀ ma kiian yoo ke aǎ kiia, yā k̀̀ wée à waazi keε á sìn gwe.

G̀̀no fεena gaan

¹² Zaake wée Kirisi fεena gaan waazi keε, à k̀̀ dia a gbēkeno è be g̀̀no é fεeroo?

¹³ Tó g̀̀no é fεero, ēndē Kirisi e fεero.

¹⁴ Tó Kirisi e fεero sō, ēndē wa waazikena k̀̀ pā, bensō a Kirisi náanekena k̀̀ pā,

¹⁵ wa g̃ Luda sèda egedeeno ũ, k̀̀ wá bè à Kirisi fεe yānzi. Zaake tó g̀̀no è fεero, ēndē Ludaa e à fεero.

¹⁶ Tó Luda è g̀̀no fεero, ēndē Kirisi e fεero.

¹⁷ Tó Kirisi e fεero, a Kirisi náanekena k̀̀ pā, ben á kú a durun guu ai tia,

¹⁸ gbē k̀̀ aǎ anduna tò Kirisi guuno sō sàsā.

¹⁹ Tó wa kuuna ẁ̀ndio k̀̀ yānzin wa wée do Kirisizi ado, le ẁ̀ndadeeno wa ũ de baade píngila.

²⁰ Yápuraa guu Kirisi fεe b̀̀na gaan, àmbe g̀̀afεe káaku ũ gbē k̀̀ aǎ dàe wà ii òno té.

²¹ Lán gaa b̀̀ gbēntee g̃āzĩ nà, len g̀̀no fεena b̀̀ gbēntee g̃āzĩ le.

²² Kuuna Adamu borii ũu tò gaa dà baade píngila. Lemε do gbē k̀̀ aǎ kú Kirisi guuno é ẁ̀ndi e ní píngi.

23 Baade kŏn a gurɔɔome. Kirisi bé gàafee káaku ũ, à gbera à gbēnɔ é fεε à mógurɔ.

24 Gbasa gurɔ lé ká, Kirisi é kíkεε mì de píngi kŏn ikonɔ kŏn gbāaanɔ, eé a kpata tó De Ludanε.

25 Séde Kirisi gŏ kí blee ai Luda gŏ à ibεenɔ ke à tinti ũ.

26 Ibεε kè eé à mì de zāan gaa ũ,

27 zaake Luda pó píngi nà Kirisinε a ɔzĩ. Kè à bè, pó píngi kú à ɔzĩ, wá dŏ kè Luda kè pó píngi nāne a ɔzĩ pì baasimε.

28 Tó à pó píngi nāne a ɔzĩ, àpin à Né kè à pó píngi nāne a ɔzĩ pì é mì sienε, Luda pì égŏ de à píngi ũ pó pínginε.

29 Gbē kè ašè batisi ke gènɔ gēε ũ sŏ né? Tó gènɔ è fεε yāpuraro, bóyānzi wè batisi ke aš gēε ũzi?

30 Wapinɔ sŏ, bóyānzi weégŏ wa zĩnda da kari guu gurɔ píngizi?

31 Kŏn ĩa kè mēè dā a yā musu kuuna Kirisi Yesu wa Dii guuo, mēégŏ kú gaa lézĩmε lán guu e dɔɔ nà.

32 Tó ma zĩnda yānzin ma ɔsi kàzi kŏn nòbɔ pāsĩnɔ zaa Efesu, bó àren à vīmεε? Tó gènɔ é fεero, wà pó ble, wà í mi, zaake wé ga ziamε.

33 Àton tó wà a sāsāro, gbēnna zaaa è dà maaa yakamε.

34 À su a làakaria súusu, àton durun ke dɔro, zaake a gbēkenɔ Luda dɔro. Ma beee ò le à a wíyā dŏ yānzimε.

Gàafeenɔ mē

35 Gbēkenɔ é be, gènɔ é fεε diamε? Mē kparee takan ašégŏ vĩi?

36 Yŏnkoyāmε! Weè pó tŏ à bòε fŏmbabɔna sairo.

37 Tó wà pò t̄, gbadon yoo ke pówεε pānde, è b̄εε pówεε pì ūro.

38 Luda è tó à b̄εε lán à diè nàme, baade k̄n a borio.

39 Pó w̄ëndideenŋ p̄ngi mè d̄n̄k̄ro. Gb̄ntee pò ado, n̄b̄n̄ pò ado, b̄ān̄ pò ado, kp̄n̄ pò ado.

40 Ludambe p̄n̄ŋ kuu, anduna p̄n̄ŋ kuu. Ludambe p̄n̄ŋ gakui ado, anduna p̄n̄ŋ gakui ado.

41 Ōf̄ānt̄e gakui ado, m̄vura pò ado, s̄s̄n̄n̄ pò ado. Baa s̄s̄n̄ne p̄n̄ŋ gakui b̄k̄ŋ doodo.

42 Len eéḡ de le ḡn̄ŋ f̄εεgur̄ŋ z̄i. Wè gè v̄i à v̄a, eé f̄εε v̄āna sai.

43 Wè gè v̄i b̄εε sai, m̄de eé f̄εε k̄n̄ gakuio. Wè gè v̄i gb̄āaa sai, m̄de eé f̄εε k̄n̄ gb̄āaa.

44 Wè gè v̄i anduna mè ū, m̄de eé f̄εε w̄ëndi kè è yāaro mè ū. Lán anduna kè mè kuu nà, lem̄e w̄ëndi kè è yāaro mè kuu le d̄.

45 À k̄ēna Luda yān wà bè, gb̄ē káaku Adamu ḡŋ gb̄ē b̄ē ū, m̄de Adamu z̄āa ḡŋ nini w̄ëndikpammari ū.

46 Èe ke w̄ëndi kè è yāaro mè bé è d̄o aεro, anduna mè bé è d̄o aε, à gbera sa w̄ëndi kè è yāaro mè.

47 Gb̄ntee káaku b̄ò b̄usuti guume, à plaadee b̄ò ludambem̄e.

48 Gb̄ē kè āŋ de t̄ŋte pò ūun̄ŋ b̄k̄ŋba k̄n̄ gb̄ē kè b̄ò t̄ŋten-o. Gb̄ē kè āŋ de ludambe pò ūun̄ŋ b̄k̄ŋba k̄n̄ gb̄ē kè b̄ò ludambεεo.

49 Lán wá de gb̄ē kè b̄ò t̄ŋten taka ū nà, len wéḡŋ de gb̄ē kè b̄ò ludambεε taka ū le se.

50 Yā kè má òn yè ma gb̄ēn̄ŋ. Tó kpata kè b̄ò Luda k̄iia b̄ò gupuraa, wé e wà ble k̄n̄ wa m̄oro. Wé e wàḡŋ kú gu kè è v̄āroo guu k̄n̄ wa mè kè è v̄āoro.

51 À ma, mé asiiyã oare. Wé ga wa píngiro, mɔde wé li wa píngi

52 kãndo lán wéé'ibakena bà kãkãki zãade pégurɔɔ zĩ. Zaake kãkãki é ɔ bɔ, gèno é fεε yaikũsai, wapino sɔ wé li.

53 Séde wa mè kè è vãa gẽ à kè è vãroo guu. Séde wa mè kè è gaa kè gẽ à kè è garoo guu.

54 Tó wa mè kè è vãa gẽ à kè è vãroo guu, bensɔ wa mè kè è gaa gẽ à kè è garoo guu, ben yã kè kēna Luda yãn kè é papa wà bè:

Wà zĩ blè gaaa, à mì dè.

55 Ga, n zĩblena tón diaa?

Ga, n sεwεε kú máme?

56 Durun bé ga sεwεε ũ, durun gbãaa sɔ è bɔ doka guumε.

57 Wà Luda sáabu ke, kè è tó wà zĩ ble wa Dii Yesu Kirisi gãzĩ.

58 Beee yãnze ma gbẽ yenzideeno, à zε gbãa gíngin bɔru kpεε sai. À wéε tã Dii zĩzi gurɔ píngi, zaake á dɔ kè zĩ kè ée kεε Diine pãro.

16

Pɔlu wétegasorukena

1 Luda gbẽno kãmasakena yã musu, lán má ò Galatia bùsu sɔsinɔne nà, à ke le se.

2 Azumanengo kɔn Azumanengoo a baade gae ɔɔ kè à è a gbãa lén bɔ adona, àgɔ kaakɔa, le àton kãmasa pì wete gurɔɔ kè ma mɔro yãnze.

3 Tó ma mɔ, mé gbẽ kè a n díε aɔ gánɔ zĩ Yerusalemu kɔn takadao kɔn kãmasa kè á kàkɔaa pìo.

4 Tó à kɔ sio mà gáme sɔ, aɔé gá zεme.

Yā kè Pɔlu kpàkpa à keenɔ

⁵ Tó ma bɔɛ kɔn Masedonia búsuo, mé mó a kiia, zaake mé pã Masedonialame.

⁶ Mée kpákpaà mà gurɔplaa keao. Baa buusie se mégɔ yezi mà bleao, é gá zeme guu kè mé gán.

⁷ Tia la má yezi mà gɛala bàrararo, mée kpákpaà mà gurɔplaa keao, tó Dii wè.

⁸ Mé gɔ Efesu ai Pentikɔsi zĩbaa zĩme,

⁹ zaake Luda zé bòmme maamaa mà zĩ maaa ke, bensɔ ibeenɔɔ pari.

¹⁰ Tó Timɔti gà à m̀, àton yã kene búgubugu à vĩa kearero, zaake èe zĩ kee Diine lán ma bàme.

¹¹ A gbēke tón kya kánlo. À kūsāe kene, le à e à ká ma kiia aafia, zaake mapi kɔn ma gbēnɔ wa wée dɔzi.

¹² Wa gbēndo Apolo sɔ, mēgɔ nakɔreɛa gèn baaagɔ à mó à a gwa kɔn wa gbē kpaaanɔ. À ye monazi gĩaro. Tó à zé è, éé mó.

Lédamma zāa

¹³ Àgɔ kú a làakaria, àgɔ zena Yesunaanekena guu. Àgɔ wórɔngɔ vĩ, àgɔ gbāa.

¹⁴ À yã píngi ke kɔn yenzio.

¹⁵ Á Setefana bedeeno dɔ, kè aɔmbe Yesude káakunɔ ũ Girisi búsun, ben aɔ n zĩnda kpà wàgɔ dɔɔ Luda gbēnɔ lé. Ma gbēnɔ, ma wée kèawa,

¹⁶ à mì sie gbē beee takanɔne kɔn gbē kè aɔɔe aĩa kee ledɔ zĩ dɔnkɔ pi guunɔ n píngi.

¹⁷ Ma pɔɔ kè nna Setefana kɔn Fɔtunatuo kɔn Akaikuo monaa, zaake aɔ gòmme a gɛɛ ũme.

¹⁸ Aɔɔ tò ma làakari kpàe kɔn a pɔo. À bèe lí gbē beee takanɔne.

19 Asia b̀usu s̀osinŋ ì kp̀àawa. Akila k̀ŋn Pirisilao k̀ŋn s̀osi gb̃ k̀è ãè k̀ŋ kak̃a n̄ beenŋ ì kp̀àawa maamaa Dii guu.

20 Wa gb̃ k̀è wá ledoonŋ ì kp̀àawa a píngi. À ì kp̀ák̃a k̀ŋn Luda gb̃enŋ lép̃emmanao.

21 Mam̃ma P̃olu, ma ɔgb̃en ỳè. Ma ì kp̀àawa.

22 Tó gb̃ekẽe ye Diiziro, Luda láari kea. Wa Dii e m̃.

23 Dii Yesu gb̃ek̃ẽe keare.

24 Má yeazi a píngi kuuna Kirisi Yesu guu.

Luda yá takada kǝn Bokobaru yáó
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 18 Apr 2025 from source files dated 31 Aug 2023

c31548a1-5316-53c2-be42-674e0e4c5ae5